



सानसेयारि **“बड'सा”** ख्रीरालाइयाव
ख्माज्यादि जिज्जो लोब्बा थानाय रायथाय, खन्थाय,
खल', खल'बाथा आरो दावबायारि थावनि, पार्क
बाइदिनि सायाव लिबनाय लिबदिबां हैथाय ठर/
खानसेयारि **“बड'सा”** ख्रीरालाइया सेबखानाबै
फोसावगोन।
बड'सायाव लिबदरनायनि हुबा खालाम,
“बड'सा” ख्री नोथां, जौ बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA★A Bodo News Daily★Friday★10 October, 2025 Kokrajhar, BTC, Assam★Vol.- 35, Issue No.195★R.N.I.Regd.No. 40994/91, Assam Govt.Regd.No.IPRD.40/2006/3, Rs.8/-

प्रटेम बुंथिगिरि त्रिदिप दैमारिआ बिटिसि आइन आफादनि जथुमाव बिसायख 'जानाय एमसिएलएफोरखौ' समायखिरा लाहोबाय

**एमसिएलए प्रमद बर', राकेश ब्रह्म आरो रेखा रानि दास
बर'मोनहा समायखिरा लानाय हाबाफारियाव बाहागो लफैयाखै**



कक्राझार, 9 अक्टबर: बिटिसि आइन आफादनि जथुमाव दिने हाबाफारि बायदिदै प्रटेम बुंथिगिरि त्रिदिप दैमारिआ गोदाने बिसायख 'जानाय गौथुमारि सोद्रोमाफोरखौ' समायखिरा लानायखौ फरायथि होबाय। मख'नो गोनादि, थानाय 5 अक्टबरआव बिटिसिनि नेहाथारि गहाइ आकाशद्विपनि मावखुलि खथायाव प्रटेम बुंथिगिरि महै त्रिदिप दैमारिनि समायखिरा लानायखौ

फरायथि होनायनि उनाव दिने बिथानि आफादगिरि मासि सामलायनायाव आइन आफादआव भारतआरि संबिजरिनि नेमखान्थि बिथोनमा बादियै गोदाने बिसायख 'जानाय गौथुमारि सोद्रोमाफोरखौ' समायखिरा लाहोयो। मख'नो गोनादि, आथिखालाव 5 थि बिटिसि गौथुमारि सरकारिनि बिबान आजावनाय, गहाइ मावफुं सोद्रोमा हाग्रामा महिलारि, लेडाइ

गहाइ मावफुं सोद्रोमा रहिन दैमारिमोनजौ लोगोसे गांसे सा 36 गौथुमारि सोद्रोमाफोर समायखिरा लायो। मख'नो गोनादि, कक्राझार बड'फा नोगोरिनि बिटिसि आइन आफादनि भवनआव माहारियारि संमैथाइजौ साननि 10:00 रियायाव जागायजेन्नाय समायखिरा लानाय हाबाफारियाव गांसे सा 40 गौथुमारि सोद्रोमा (एमसिएलए) फोरनि गेजेराव सा

36 आ दिने हाबाफारि बायदिदै गौथुमारि सोद्रोमा महै समायखिरा लायो। बिसोरिनि गेजेराव बिपिएफ दोलोन सा 27, इडपिपिएल दोलोनफ्राय सा 5 आरो बिजेपि दोलोनफ्राय सा 4 गौथुमारि सोद्रोमाफोर समायखिरा लायो। बिटिसि आइन आफादनि प्रटेम बुंथिगिरि त्रिदिप दैमारिआ गोदाने बिसायख 'जानाय सोद्रोमाफोरखौ' समायखिरा लानायखौ फरायथिनायफोरनि

गेजेराव सा 15 आ बर' रवआव, सा 14 आ ईराजि रवआव आरो सा 7 आ असमीया रवआव समायखिरा लायो। बिसोरिनि गेजेराव गहाइ मावफुं सोद्रोमा हाग्रामा महिलारि, लेडाइ गहाइ मावफुं सोद्रोमा रहिन दैमारि, एमएलए आरो एमसिएलए रबिराम नाजो, अजामुल हक, देरहासात बसुमतारि, गनेश कछरी, जुहिराज बसुमतारि, (□ 6 बिलाइआव)

राइजो-राजाफोरनि थाखाय जौगाखाडारि खामानि मावलांनो समायखिरा लाबाय हाग्रामा महिलारि दैदेनाय बिटिसि गौथुमआ

**समायखिरा लानायनि उनावनो चिफ हुइप देरहासात
बसुमतारिआ माखासे थांखि आजावनायखौ फोरमायबाय**



सुबनखातायाव एसएसबिआ जोलुर गैलेनाय बादायलायनाय बान्जायदों



मुसलपुर, 9 अक्टबर: बाक्सा जिल्लानि सुबनखातायाव एसएसबि 64थि बेटेलियननि कमान्डेन्ट श्री अनुज कुमारनि दैदेनायाव नर्थ इष्ट सिधिक एक्सन प्रग्रामनि गेजेरजौ जाखांफुनाय गैलेगिरि लाइमोनफोरखौ गैलेनाय बिथिआव गोसो थुलुंगा खांहोनायनि थांखिजौ सानथामनि जोलुर गैलेनाय बादायलायनाया दिनेनफ्राय सुबनखाता गैलेग्रा फोथाराव जागायबाय। बे टुर्नामिन्टआ 9 अक्टबरनिफ्राय 11 अक्टबरसिम खुंजागोन। बे जोलुर गैलेनाय (□ 6 बिलाइआव)

कक्राझार, 9 अक्टबर: प्रमद बर'नि खुंथाइ समआव दाजानाय भिचिडिचि, टिएलचिचि, टाउन कमिटि, आर्बान कमिटिजौ लोगोसे गांसेबो जेसेबां आफाद एबा जौगाखां बर्डफोर दं बेफोरखौ दिनेनफ्राय बन्द' खालामनाय जाबाय। लोगोसे गोदाने आफाद, बर्ड दाजार्थैसिमआव बिफानारि मावफुं बिबानगिरिफोरा बिबान सामलाय लांगोन। मख'नो (□ 6 बिलाइआव)

जनाइ बिधान सभा बियाबनि मुलाम्फायारिफोरनो आइजो उद्यमिता बिथांखिनि चेकखौ गथायबाय

**गिबि मन्थिनि उद्यमिता बिथांखिया आइजो गोहोखौ गाव गसंथा
होनायनि बिथिडव मोनसे जागायजेन्नाय: ड॰ हिमन्त बिश्व शर्मा**

दिसपुर, 9 अक्टबर: राइज्योनि आइजो गोहोखौ गाव गसंथा होनायाव सोलाय होनाय दावबायनायखौ थि लाखिनाने आसामनि गिबि मन्थि ड॰ हिमन्त बिश्व शर्माआ दिने मुख्य मन्थि महिला उद्यमिता अभियान (एमएमडिए) (गिबि मन्थि आइजो उद्यमिता बिथांखि) नि सिडाव जनाइ बिधान सभा बियाबनि सा 36,886 (□ 6 बिलाइआव)



दिल्ली बर' बाथौ गौथुमआ बिटिसिनि चिफ हाग्रामा महिलारीखौ बरायदों

स्टाफ रिपटर्, कक्राझार, 9 अक्टबर: दिल्ली बर' बाथौ गौथुमनि आफादगिरि मुखि ब्रजेन्द्र नाजोरी आरो गहाइ नेहाथारि ड॰ अलंबार नाजोरी बिथामोना दिने 9 अक्टबर 2025 ई खालारआव गोदाने सायख 'जानाय बिटिसिनि चिफ हाग्रामा महिलारीखौ' बिबिसिटिनि एसे मब्लनि मावख'आव लोगो हमनाने बाथौ गौथुमनिफ्राय गाहाम हामलायथि बाउनयजों लोगोसे आर'नाइ गानहोनाने बरायो। लोगोसेनो आफादगिरि ब्रजेन्द्र नाजोरीनि अनजालि बिसि तनुजा नाजोरीआबो हाग्रामा महिलारीखौ गांसे आर'नाइ गानहोनाने गोसो



गोर्बोंजौ बरायो। मख'नो गोनादि, (□ 6 बिलाइआव)

दिने आसाम पुलिस आरो एडिआरइ साखि थिसन्थाइ आन्जादनि फिथाइ फोसावगोन

गुवाहाटी, 9 अक्टबर: गाबोन 10 अक्टबर खालि राइज्यो सरकारिनि साखि नागिरा एबा जायफोर राइज्यो सरकारिनि खुंनाय साखि थिसन्थाइ आन्जादआव जिरायदोंमोन एबा आन्जाद लिन्दोंमोन बिसोरिनि थाखाय मोनसे गोजोन्थाव रादाब लाबोगोन। मानोना गाबोन आसाम पुलिसनि साखि थिसन्थाइ आरो आसाम डायरेक्ट रेकुइटेन्ट इक्जामिनेसन (एडिआरइ) एबा आसाम थोंजौ थिसन्थाइ आन्जादनि फिथाइखौ फोसावगोन। आसाम पुलिसआव साखि (□ 6 बिलाइआव)

मन्थि पियुश हाज'रिकाआ डिब्रुगड्आव हा खुरखानायखौ नायगिदिहेंदों

गुवाहाटी, 9 अक्टबर: बुरलुबुथुर दैमानि दैया डिब्रुगड् जिल्लानि माखासे ओन्सोलफोरखौ खुरखानाने माखासे सम्फदफोर सिलिखार खालामनायनि महर लादों। डिब्रुगड्नि कछरीघाट साखाधियाव दासादि बुरलुबुथुरनि दैया गोखोडै हा खुरखागासिनो थानाया ओन्सोलनि थागिबिफोरनि गोसोआव गिखानाय लाबोदों। थारैनो बे हा खुरखानाया लांदों जायगायावल' नडा माखासे राइजो जानाय एबा न'-बां लुनाने थानाय जायगाफोरवबो खुरखानायनि महर लादों। (□ 6 बिलाइआव)



दुलाराय बर' फरायसा आफादनि बरायनाय मावफुं मेल

मोन 8 गोनांथार आयदाफोरनि सायाव थांखि लादों

रिडिया, 9 अक्टबर: दुलाराय बर' फरायसा आफादआ थानाय 8 अक्टबर खालि कामरुप जिल्ला रिडियानि हरदत्त बीरदत्त न'ब्लाडव मोनसे बरायनाय मावफुं मेल खुंनाय जादों। आफादगिरि दिपेन बर'नि दैदेनायाव जथुमनाय बे मावफुं मेलनि गेजेरजौ दुलाराय बर' फरायसा आफादआ फेबाय थानाय समाव मावोनो लानाय माखासे गोनांथार आयदाफोरनि सायाव थांखि लानाय जादों। बे मावफुं मेलनि गेजेरजौ दुलाराय बर' फरायसा आफादनि लानाय माखासे गोनांथार थांखिफोर जाबाय- 9 आरो 10 थाखोनि फरायसाफोरनि थाखाय 14 डिसेम्बर, 2025 अक्ट'आल 10थि मिरु रँगौसा (□ 6 बिलाइआव)



बारगा' मिरु मन्थि राजेन गहाइजौ लोगोसे सा 17 दैदेनगिरिफोरा बिजेपि नागारबाय

गुवाहाटी, 9 अक्टबर: फैगो बोसोर 2026 आव खुंजानो गोनां आसाम बिधान सभा बिसायख 'थिनि सिगां सिगां बिजेपिनि थाखाय मोनसे गेदेर गुगानाय। 2026 बिधान सभा बिसायख 'थिया जायनि सिगांनो मिरुनि बारगा' मन्थि आरो नगाबनिफ्राय 4थि खेब एमपि जानाय राजेन गहाइआ दिने बिजेपि दोलो नागरबाय। राजेन गहाइजौ लोगोसे बिजेपि दोलोनि गुबुन सा 17 दैदेनगिरि आरो सोद्रोमाफोरबो बिजेपि दोलोखौ नागरनायनि बिबान एंगारलाइ गथायदों। बारगा'



मन्थि राजेन गहाइआ दिने आसाम बिजेपिनि आफादगिरि दिलिप शइकियानिसिम गावनि बिबान एंगारलाइखौ लिखरदों। मिथिनाय बायदिक्ला खर'सा आरो गेजेर आसामनिफ्राय बिजेपि दोलोन गुबुन-गुबुन बिबानआव थानाय दैदेनगिरि आरो सोद्रोमाफोरबो राजेन गहाइजौ लोगोसे गावसोरनि बिबान एंगारलाइखौ आसाम बिजेपिनि आफादगिरि दिलिप शइकियानिसिम लिखरदों। बिसोर सा 17 दैदेनगिरि आरो सोद्रोमाफोर दोलो नागरनायनि जाहोनखौ मिरु (□ 6 बिलाइआव)

SINCE 1982
DAS[®] JEWELLERS
J.D. Road Kokrajhar
LUCKY GOLD COIN DHAMAKA
बे दुर्गा फुजा आरो दनतेरासनि समाव 3 ग्राम आरो बेनि बांसिन सना बायोब्ला, सा 15 बायगिरिफोरा 1 ग्राम सना देरहानायनि मोनसे खाबु मोन्नो हागोन।
25 सेप्टेम्बर, 2025 निफ्राय जागायनाने 20 अक्टबर, 2025 सिम नोथांनि केस मेम 'खौ लानाने नोथांनि Lucky Draw Coupon खौ लाँफे आरो सना देरहानायनि मोनसे मोजां खाबुखौ ला।
This Durga Puja and Dhanteras, on Purchase of Gold Ornament of 3gms and above, 15 Purchasers gets a chance to win 1 gm Gold Coin Each.
Starting From 25th September, 2025 to 20th October, 2025. Collect your Lucky Draw Coupon along with your cash memo and stand a chance to win gold.
Ph: 03661-355618,
Cell No.: 8876631728

सुबुं थांनायखौ होबथानाय मुलुगनि गिख्रंथाव आरो सोमोनांथाव जायगाफोर-



मुलुगयाव एरैबायदि समाइना आरो मख'जाथाव जायगाफोर दं जायफोरनि खाइसेया जोबोद गिख्रंथाव। बेफोरनि मख'जाथाव जायगाफोरनि सोमोन्दै मिथिनानै लानाया गाहाम। बेफोर जादों-

1. भेटिकान सेक्रेट आर्सिभस: खुप्टानफोरजों लोगोसे मोनफ्रोमबो धोरोमनि सुबुंफोरनो जितयाव खेबसे भेटिकान सहराव थांनो लुबैयो। बे हादतआ धोरोमजों लोगोसे समाइनानि थाखाय मुंदांखाबो। भेटिकानआ गावनि आंगो आरिमु, फोथायनो गोब्राब बास्टुकला आरो गावनि जारिमिन दं। नाथाय बे गोथार सहराव मोनसे जर'खा जायगाया दावबायारिफोरनि थाखाय आबुडै'नो बन्द' थायो। बेनो



जादों भेटिकान सेक्रेट आर्सिभस। बेयो मुलुगनि गोजामसिन बास्टुकलाफोरनि मोनसे, जेराव पपनि थाखाय गोजाम-गोजाम बिजाब आरो धोरोमारि बिजाबफोर दङ। जायगानि सोमोन्दै सुबुंफोरा गनायनानै लायोदि, बे बिजाब बाख्रियाव एरैबायदि बिजाबफोर दं जेराव- एलियेननि गुदि बिथानि फोस्मान थानो हागौ।

2. मिजगर्यै: गिबि नोजोराव रसियाव थानाय मिजगर्येनि मुंखौ खोनायोब्ला बेखौ दरसे सहर बादि मोनो। नाथाय बेयो सहरब्लाबो दरसे बन्द' सहर महरै मिथिसार जानाय। बेयाव माखासे सायख'जानाय सुबुंफोरखौल' हाबनो गनायथि होनाय जायो। जुदि



सोरबा गनायथि गैयै एबा हांखाय हरजायै सुबुंआ बैयाव थाडोब्ला थैनायजों जुजिनानो हागौ। माखासे सुबुंफोरा फोथायनाय बायदिब्ला बे सहरनि थागिबिफोरा माउन्ड यार्मटउनि साखाथियाव गंसे गिदिर दन्दराव गुद्रासा बिर्थांखिनि सायाव खामानि मावगासिनो दङ।

3. एरिया 51: आमेरिकानि एरिया 51 आ मुलुगनि बयनिखुइबो रहस्य गोनांसिन जायगाफोरनि गेजेराव मोनसे आरो गोखों होबथानाय जायगाफोरनि गेजेरावबो बेयो दंफायो। माखासे सुबुंफोरा फोथायनाय बायदिब्ला, बे जायगायाव सरकारआ जाब्रबथाय जानाय जायगानिफ्राय गुबुन हादतयारिफोरनि गोथै सह, इउएफअ आरो



माखासे सोमोनांथाव न'फोरखौ दोनखोमादों। आगुनि मावसुमा बब लजारआ 1989 आव दाबि दैखांदोंमोनदि, एसिया 51 नि सेक्टर 4 आव गाव खामानि मावदोंमोन, जाय पाफुस बिलोनि साखाथियाव, पाफुस रेन्जनि बेंखनयाव हा सिझव दंमोन। बेयो दाबि दैखांदोंदि, गावखौ गुबुन हादतयारि अखांमा यानजों लोगोसे

दैज्लांआ सौफैबाय

मुस्त्रि मिथिसार ब्रह्म

दैज्लांआ सौफैबाय,
ग्रं-ग्रं गोजू लार्थिख' नखांमानिफ्राय
भुहुम बिखायाव जुब-जुब अखा गोर्लैबबाय!
जेरावबो जेबैबो दैन बिसिना बग्लाबजोबबाय!
एम्बुफोरा बिआवनो थाना उदां-गेबैडै गारां
हगारसारबाय,
उन्दुगादुरा मिथिंगा बिखाआ गोदांनै सिरि मोनखांबाय
बर' फिसा आबादारीफोरनि गोसोआव जांख्रिखांबाय
उदां दुबुलिबारिआ आबादारीफोरजों फिन आबुडै
बुंफबबाय।
आबादारीफोरनि फाथं-थं गामसा गानना, खफ्रि हमना

खामानि मावफानो थाखाय गावखौ नारसिन्दोंमोन। बे यानआ सरकारनाव दङमोन।

4. स्भालबार्ड ग्लबेल सिट बल्ड: नरवेनि द्विप स्पिटसबार्गेनआव सा-लैथो बिखायाव थानाय 250 मिलियननि बांसिन बेगरखौ गंसे बाक्सुयाव दोनखोमानाय जादों। स्भालबार्ड ग्लबेल सिट बल्डखौ मुलुगनिफ्राय जोबलांनो नागिरनाय थासारिखौ नोजोर होनानै बेखौ बेयाव दोन्नाय जादों। जाहाथे सुबुंफोरनि थाखाय बेखौ फोथांफिन्ना लाखिनो हायो। बेफोर बेगरआव जायखि-जाया मिथिंगायारि खैफोद एबा जायखि-जाया रोखोमनि बेरफुनायजों



मोगा-मोगि खालामनो हानायनि गोहो दङ। नाथाय आइनयारि गनायथि मोन्नाय संदानगिरिफोरा बेयाव थांनो हायो।

5. बहेनियान ग्रभ: बेयो मोनसे सैरैखाथि सोमोगनां जायगा। आमेरिकानि केलिफर्नियाव थानाय बे जायगायाव गोलोम बोथोरनि समाव मुलुगनि बयनिखुइबो गोहो-गोरासिन हौवाफोरनि उइकेन केम्प खुंनाय जायो। बेयाव राजखाथि दैदेनगिरिनिफ्राय लानानै देंखोगिरिफोराबो बाहागो लाहैयो। बे जायगाया 2,700 एकर गुवार आरो बेखौ सैरैखाथियै होबथाना दोन्नाय जायो। बुंनाय जायोदि, आमेरिकानि बारग' हादतगिरि हाभार्ट हुभारखौ 40 बोसोरनिबो



बांसिन सोद्रोमा जानायनि उनाव अल्ड गार्डनि बिमुं होनाय जादोंमोन। नाथाय बेयाव थांनानै सुबुंफोरा मा खालामहैयो बेनि सोमोन्दै रावबो मिबथिया। लोगोसेनो जाय आलिफोरखौ बेयाव लिंहरनाय जायो बिसोरनि सोमोन्दैबो जेबो मिबथिनो मोन्नाय जाया।

6. साइट-आर: आमेरिकानि पेन्सिल भेनियाआव रेभेन माउन्टेन कमप्लेक्सयाव थानाय साइट-आरआ आमेरिकानि सोमोग गोनां जायगाफोरनि गेजेराव मोनसे। बेनि गिदिर स्टिलनि दर्जाफोरनि आन्दोयाव हा सिझव मोनसे निउक्लियार बांकार दङ। बेयो हानि गाहाइयावनो एबा हा सिझव गासै 60 थाला दङ। बेयो ब्लुरिज



सामिटनि साखाथियाव दङ। बेखौ गुन्द्रासा दावहा एबा गुबुन हादतनि गाग्लोबनायखौ नोजोर होनानै बानायनाय जादोंमोन। बेवहायबो रावबो सुबुंखौनो थांहोनाय जाया। बेनि खाथि-खालायावबो सुबुंफोरखौ थांहोनाय जाया गुगोल मेपयावल' बेखौ नुनो मोन्नाय जायो।

7. स्नेक आइलेन्ड: मुलुगनि रावबो सुबुङानो बे जायगायाव थांनो गोसो जानाय नङ। बे द्विपयाव थांनाया मोनसे गाज्रि सिमां नुनाय बायदि। बेयाव थांनायखौ होबथानो थाखाय ब्राजिलनि दै सान्थ्रिफोरा जेब्लायबो समावनो सांग्राडै थायो। बे जायगाखौ स्नेक आइलेन्ड होन्नानै मुलुगनाडै मिथिनाय जायो। अदेबानि बे आइलेन्डनि गुबै मुङा इल्हा डि क्युइमाडा ग्रान्डे, जेराव 4 रोजानिबो बांसिन गिख्रंथाव जिबौफोर थायो। बेफोर बिष गोनां जिबौफोरनि गेजेराव गल्डेन लान्सहेडआबो दंफायो।

एरैबो है-हा, हैरैबो है-हा
मोसौ होगदिंनायजों
एरैबो थे-थे हैरै थिंजायबो थे-थे
नांगोल खेंखाखौ बुगथिंबायनायजों
हाबाब.....
गोमसारथारदों जैरैथिंजायबो आबुडै'बर' गामिया,
बेरखांधारदों बर'नि हारिमुवा।
अदां, हामो, दुमफेमोननि
खर'आव सिथ्रि फान्थाव-थाब खाथबना
फैखौ-फैखा फाथं-थं दखना गान्ना
गोसो मन होसारना
दुबुलिबारिआव खोथिआ फुनायाव, माइ गायनायाव
द्रा-द्रा हानाय अखा
आरो सिउ सिउ बारनाय बाराबो
आय'.....!
हाथाराखिसै बिसोरखौ सिग्लाब होनो गोजां होनो,
हायाखिसै बिसोरखौ बुबर्थिखारनो, फेजेननो!

रंजालि गथ'फोरनि सौरा

जेथो गोनां जिउ

जेथो गोनां जिउ बे आनि
हरै थां हरैबो गोजोन गैया
बैथिं थां बैथिंबो लामा गैया
थैनाय थांनाय बे दाहानि लैथोआवनो।

सोरगिदिं मुलुग संसाराव
मा लुबैयो मा मोनो
बुंनो हाया सुफुंनो हाया
गोसोनि हाबिला।

गोबां नाजायो थेवबो जेथो नांडो
हां थोनो मोनो मानोबादि
राहा मोना आदि
रानस्त्राव बे आनि सिमांफोरा।

गोबां मिजिजों हान्थिबोनाय आगान
गोबां हाबिलाजों थांखिबोनाय
मुथासे सिमां आनि गैया दिनै
गोसो जिउनि मोनफ्रोमबो सानस्त्रिफोरा
गानन्थि गानन्थि जेथो गोनां।

निजोम बसुमतारि
हुग्राजुलि, सनितपुर

दुखुनि हांमा

सोर मिथिगौ आनि दुखु-दाहा
खामग्लिनाय गोसोनि मोन्दै हुगारनायखौ
बावगार हाया नोंसोरनि अन्नाय गोजोनहोनाय
सानसेबा गाबनाय सानसेबा मिनिनांनय
मा जाखो आनि जिउआ
बुंस'नो हायासै आं आनि जिउखौ।
दुखुनि हांमा बोयै दाहानि खन्थाय लिरै लिरै
थानोसै आं बे संसाराव।
सोर दङ आंहा बे मुलुगआव ?
गैया आंहा रावबो संसाराव
आनि गोरबोनि गाबनायखौ सोर मिथिनो
अराय सम दुखुनि हांमा बोनानै
थाबाय आं संसाराव।
सोर आय' होन्नो आनि गाबनाय
सोर मिथिनो आनि दुखु दाहा
बावनो गाबनाय बावनो मिनिनाय
थायो आं अरायसम दुखुखौ गोसोयाव
दोन्नानै मिनिखुसि रंजा बाजा
सोर मा होनानै गोजोन होगोन ?
मिथिस' हाया आं।
गैया आंहा आंगो बिमा बिफा बिब' बिनानाव
संसाराजों मुगै जानाय बे जिउवा हावरिया
जारिमिन जानानै थालांबाय आनि
बे बेसेन गैयै जिउवा।

मिस रिखु नार्जारी
गामि- 7 नं आप्लागाव
जिल्ला- कक्राझार, बिटिसि (आसाम)



मोकथां मुलुगआव गावखौ
होखोमा होखोमा
दावबोयो सान रोदाया,
सुबुं जिउनि बेसेन गोसा
बुब्बियाबो थाबाय लाडो
गोथों लामाजों
गुबुनखौ मिबथिया जासे!
गावनि आरखुखौ लाना
सुबुं जिउनि सिमांआबो
सिमां बायदिल' बाबेन लांदों,
सोर्खिनि गिदिंनाय बादि
दुखु-सुखुनि जाथाय फारिजों
आगोमा जिउआबो बेरे रूनाय बायदि
रूंग लांदों सिरि-सिरि
अखा मोप्लामनाय बायदिल'
भावथिना गेलेफैदों
सोरनिबा थिन्नायाव दान्दिसे!

लब'कुमार नार्जारी
गामि- स्वा बेलगुरि
ला: सो:- आप्लागाँव
जिल्ला:- कक्राझार (बिटिसि) आसाम।

जावजा खन्थाइ

लाइनि थारा लाफा थारा
जोंहा बाजैनि महरा

आपेल बादि जारौ रौ थार
नाथाय आखलआसो बायगर

गालाराम बादि मेगन गेव
नों सन्मान मोनगोन समाजाव

मा बुंना लानाय जौमोनखौ
मानो मोखां मोनै जाखो

-रैदोम बर',
माजदिया, बगुलामारि, बागसा

फैफिन नों रजे

मिस कल्यानि बसुमतारि

आनि गोरा गोसोआव नों जेब्ला
लुफावफैदोंमोन अन्नायनि फिथिखा
नोंनि थार अन्नाया
लासै गेलेम लांदोंमोन गोरबो बिख्या।
जेब्लानों गोरबोनि लांदों मासियाव-
साननैसोनि आलासि जाना जिरायनायाव,
बुंनाय बैफोर नोंनि राव फावआ
दङ दाबोनो गोरबोनि दायरिफोराव रोखा रोखा।
दिनै सुथुरनि नाखेबनायाव-
गोसोआ नोंनि आनिफ्राय बेसेबा गोजानाव
सुथुरखौ गियोब्ला
मानोथो मोजां मोना सना ?
गोसो सिखाव जानानै रजे
मोजां मोनलायनायनि गाथोनाव दागेले।
नोंनि अन्नायखौ लानानै
बावलांबायमोन आं दुखुनि सोमोन्दै,
नाथाय नोंनि फोथाय खेबस अन्नाया
दिनै सोमजिहोबाय गोरबोआव हांमा...।
नोंनि थाखाय सुजुनाय सिमाङ
सिमाडैनो गोमोरलांनायबाय सना,
नोंखौ लानानै लुनाय मिजिनि देरायावलाय
सुथुरनि लुफावनाय अरा जोंब्लाउ फैबाय।
नों आनि गोजान जादोंब्लाबो
गोमोराखै रजे नोंनि सावगारिया गोरबोनिफ्रायनो।
सिमाङ आनि नोंनि थाखायल
मोगथाङव नोंनि अन्नाय मोननायनिल।
गोरबोआव आंनो मोदैनि आगान होलांनानै
आनिफ्राय जानगारखो नों मा गोसो लानानै ?
मेंग्लिनाय सोलेरखौ लानानै
दङ आं नोंखौनो नागिरबायनानै,
नाथाय दिनै आनि दावबायनाय लामायाव,
गाब्रफलांबाय आं सुनि बेहेराव।
आंथिनि सुखौ बखनानै
सानदोंमोन आं आगान सुरफिननो गोदानै,
नाथाय बखनो हायाखिसै आं रजे
नाजाब्लाबो गले गले।
आंथिनि सुखौ बखनो-
नों नङब्ला हानाय नङ रावबो।
दङ आं दिनै जग्रबनानैसो बे सुनि बेहेरावनो,
थैजासिम बेवनो थाबाय थानानै
नोंखौनो आं लामा नायबाय थासै।
माब्लाबा आंखौ गोसोखांफिनोब्ला
अनसाय फैफिननो दाबाव सना
बे लामाखौ सं दाननानै सानसे-
आंनिसिम फैफिन नों रजे....।

रंजालिनि सिमां

नुदोंमोन आं मैयासो
हर गेजेराव रंजालिनि सिमां,
नाथाय गैया आंहा मोगथांआव,
सासेबो गोरबोनि अनजालि।
'रंजालि नोंखौ मानो सोरांआव
नुनो मोना मानो ?
हरनि उन्दुनाय समावल'
नुजाफैयो मानो नों आंजों।
गैया आंहा मोगथांआव
नों बादि सासेबो अनजालि
दङ गुबुनहा गाव गावनि असे
नुयोबोला आं मालायनि रंजा बाजा।
नाथाय गैया आंहा सासेबो अनजालि
अनजालिनों मोगथांआव नुजाफैदो
आंजों नों मोगथांआव गेले फैदो
आनि मोदेखौ नोंनो फुगारदो।

मुस्त्रि रिन्दोव बसुमतारि
गामि- 12 नं भुपका बिसिमपुरी
जिल्ला- कक्राझार, बिटिसि

माहाम देहानि राहा

प्लाम फिथाइखौ बाहायोब्ला इमिउनिटिआ गोखौ जानायजौ लोगोसे माखासे जेंनाफोरा जानगार जायो

प्लाम फिथाइखौ जायोब्ला खैरोम-दैरोम स्वादखौ मोन्नो हायो। बे फिथाइआ हार्टजौ सोमोन्दो गोनां बेरामिफोरनि थाखाय मुलाम्फा गोनां। बेयो ब्लाड प्रेसार बायदि बेरामफोरखौबो मोजां खालामो। बे फिथाइखौ जायोब्ला, ब्लाड क्लट जानो हाया आरो हार्टआ मोजाडैनो थायो। बे फिथाइआव पट्रेसियामखौबो थोजासे बिबानि मोन्नो हायो। जाय हार्ट एटाकनि जेंनाखौबो बाडाइ खालामो। प्लाम फिथाइआ फिसा-फिसा गोजा गावनि जायो, जायनि स्वादआ खैरोम-दैरोम जायो। बेखौ अरोब्ला बेनि सिडाव गोमो गावखौ नुनो मोनो। बे फिथाइआव फाइब्रारनिफ्राय लानानै बायदि रोखोमनि मुलाम्फाफोरखौ मोन्नो हायो। बेजौ कि गोरा जानायनि



जेंनायाबो जानगार जायो आरो मेगननि जेंनाफोराबो जानगार जायो। फार्सेथिं गोसोम गावनि प्लाम फिथाइआव फाइब्रारनि गुनआ बांसिन थायो। बेनिखायनो बे फिथाइआ बै सुबुंफोरनि थाखाय गोबां मुलाम्फा गोनां जायो, जाय गाव-गावनि लिस्थाइखौ बाडाइ खालामनो हास्थायो। बे फिथाइआव सुपार अक्साइडबो थायो। जायनि मददजौ देहायाव बांनाय मेजेमफोरखौ बाडाइ खालामनो हायो। करनानि

जेंनायाव इमिउनिटिखौ बांसिन मख 'नाय जादौ। थांनाय 2 बोसोरआव सुबुंफोरा माखासे औरैबायदि फिथाइखौ बाहायदौ-जायजौ गाव-गावनि इमिउनिटिखौ सोलायनो हायो। बे बायदिनो प्लाम फिथाइआबो बै फिथाइफोरनि गेजेराव मोनसे जाय सुबुंफोरनि देहायाव इमिउनिटिखौ बांहोयो। (नट: बेखौ बाहायनायनि सिगां डक्टरनियाव सुबुरन लागो।)□

हरर कमेडि 'हाउसमेट्स' सावथुनखौ अटिटि प्लेटफर्म जि-5 आव नायनो हागोन

माखासे सावथुनफोरा औरैबायदि जायो, जायखौ लानानै गोबां एक्साइटेड जाया आरो बक्स अफिसआव मोजां रं आरजिनो हाया, नाथाय रेंटिनि बिथिआव बेयो ब्लकबास्टर सावथुनफोरखौबो उन खालामो। बिबिदो मोनसे सावथुना आगस्ट दानआव रिलिज जादौमोन, जाय अटिटिआव जायगा आवग्रिना दं। जुदि नोंथांमोनहा हरर सावथुन नायनो मोजां मोनो, अब्ला बे सावथुनखौ थारैनो नायनो हागोन। सावथुननि सल'आरो फावआ औरैबायदि मोजांदि, आइएमडिबिआ बे सावथुनखौ 8 रेंटि होदौ। जौ जाय सावथुननि बाश्चा सावरायगासिनो दं, बेयो साउथ



सिनेमानि हरर कमेडि हाउसमेट्स सावथुन। टि. रजा भेल दिहुन्नाय बे सावथुना 2 घन्टा 9 मिनटनि फेन्टेसि-हरर-कमेडि ड्रामा, जायखौ आथिखालाव गावनि मोनसे गोमोथावना कन्सेप्ट आरो मोजां महरगिरिनि गोखौ

पारफर्मेन्सनि जाहोनाव अटिटिआव गोबां अन्साइगासिनो दं। सावथुनाव आर्सा चान्दिन बेजु, कालि केंकट, दर्शन, भिन्दिनि वैदयनाम आरो मास्टर हेनरिक बायदि महरगिरिफोरा गाहाइ फावआव दं। सावथुनाव हरर आरो

कमेडिजौ लोगोसे साइ-फाइनि नुथाइखौबो नुनो मोनगोन। बे सावथुनखौ क्रिटिक्स आरो नायगिरिफोराबो गोबां बाख्नायदौ। बे सावथुनखौ अटिटि प्लेटफर्म जि-5 आव नायनो हागोन। बेयो बे सोलिफु बोसोरनि टप रेटेड सावथुन।□

रानी मुखर्जी आरो अक्षय बिधानिया इउकेनि गाहाइ मन्थिरखौ यशराज स्टुडियआव बरायदौ



इउनाइटेड किंगडमनि गाहाइ मन्थि किर स्टार्मरआ बे समाव भारतआव दं। दिनै बिथाडा मुम्बाइआव दं, जायनि माखासे सावगारिफोराबो समाजयारि बिजौआव सोरांआव फैदौ। बे समाव इउकेनि पिएम किरआ मोनसे बाश्चा फोसावदौदि, फै गौ बोसोरनिफ्राय ब्रिटेनआव मोन्थाम गोदान बलिउड सावथुनफोरखौ बानायनाय जागोन। बेयो बलिउड सावथुनफोरनि मुंदांखा जानायखौ दिन्थियो। इउकेनि गाहाइ मन्थि किर स्टार्मरआ बुधबारखालि मुम्बाइआव

थानाय यशराज स्टुडियआव दावबाय हैदौ। बबेखानि यशराज फिल्मसनि सिइअ अक्षय विधानि आरो फावखुंग्रि रानी मुखर्जीआ गाहाइ मन्थिखौ बरायदौ। एएनआइआव दिन्थिनाय सावगारिफोराबो सोरांआव फैदौ। ब्रिटेननि गाहाइ मन्थि किर स्टार्मरआ फै गौ बोसोरनिफ्राय ब्रिटेनआव मोन्थाम गोदान बलिउड सावथुनफोर बानायगोनखौ फोसावदौ? बेव भारतनि फारसेनिफ्राय यशराज फिल्मआ बिसोरखौ आबुडै हेफाजाब होफागोन। बेजौ लोगोसे नो बानायग्र

कम्पानिया 2026 नि जागायजं न्नायनिफ्राय 'महाभारत' नि सल'खौ फिन खनसेबाव अटिटि आरो फिसा पर्दांआव नुनो मोनगोन। 'महाभारतनि एआइ भर्जनआ 25 अक्टबरखालि वेभ्स अटिटिआव रिलिज जागोन। बे सिरिजखौ थाबैनो नेशनल टिभिआवबो दिन्थिफुंनाय जागोन। बे गोदान सिरिजखौ एआइनि मदतजौ बानायफिन्नाय जादौ। बे सिरिजनि गाहाइ डिजिटेल प्रिमियरआ 25 अक्टबरखालि वेभ्स अटिटिआव

गावसिनि गाहाइ बानायनायफोरखौ इउनाइटेड किंगडमआव दिन्थिफुंनायनि बिथांखि लानायखौबो खौरां होदौ। जायजौ 3,000 निखुइ बांसिन सुबुंफोरा खामानि मोनगोन। बबेखानि दा बे हेफाजाबजौ बलिउड सावथुनफोरखौ मुलुगनां थाखोयाव सौहैहोनो नाजानाय जादौ। बेनिखायनो बेखौ नायनाया मुजिथावना जागोन जे बे नाजानाया बेसेबांसिम जाफुंसारनो हायो।□

‘महाभारत’ खौ थाबैनो दुरदर्शनआव दिन्थिफुंनाय जागोन



जागोन। बेनि उनाव 2 नभेम्बरनिफ्राय सानफ्रोमबो

इस्माइल दरबारआ सलमान खान आरो एश्वर्या रायनि सोमोन्दोनि बागै गुवारै बाश्चा सावरायदौ



जादौमोन, अब्ला सलमान खानआ गावखौ मदत खालामदौमोन। नाथाय बिथाड सलमान खानखौ 'देभदास' सावथुननिफ्राय बोखारनानै बिथांनि जायगायाव शाहरुख खानखौ कास्ट खालामदौमोन।

देंरवोगिरि टेलर सुइफ्टआ ब्रिटिस देंरवोगिरि एडेलनि 10 बोसोर गोजाम रिकर्डखौ सिफायदौ

पप मिउजिकनि मुलुगआव फिन खनसेबाव जारिमिन सोरजिनो हादौ आरो बे खेबाव जारिमिनखौ सोरजिनो हादौ टेलर सुइफ्टआ। देंरवोगिरिनि 12 थि स्टुडिअ एल्बाम 'दा लाइफ अफ ए स्व गार्ल' आ रिलिज जानायजौ लोगोसेनो रिकर्ड सिफायनो हानाय दावबायनायाव ओंखारदौ। सुलुंनि बायदिब्ला, बे एल्बामआ सप्ताहसेयानो 3.5 मिलियन इउनिटस फान्नो हादौ, जायजौ टेलरआ ब्रिटिस देंरवोगिरि एडेलनि 10 बोसोर गोजाम रिकर्डखौ सिफायदौ। 2015 माइथायाव एडेलनि एल्मबाम '25' आ गावनि गिबि



सप्ताहआव 3.482 मिलियन इउनिटस फान्नानै माइल खुन्थिया जानो हादौमोन। बे समनिफ्राय दासिमाव रावबो रोजाबगिरिफोरा बे अनजिमानि खाथिसिम सौहैनो हायाखैमोन। नाथाय 2025 आव टेलर सुइफ्टआ बे रिकर्डखौ सिफायनानै सान 5 आवनो बे

बिथांनो आंनि मदतनि गोनांथिमोन अब्ला आं बिथांनि थाखाय आंनि गासिमबो खामानिफोरखौ नागारदौमोन। गमामायैनो इन्डास्ट्रियाव बिथाड आंनि गडफाडरमोन। आं सानो सलमान खानजौ

अन्साइगिरिफोरा एल्बामखौ प्रि-अर्डर खालामदौ, जाय गिबि साननि फान्नायाव थाफादौ। बेनि अनगायै टेलरआ लान्थियै गोदान भेरिएन्टस फोसावदौ। माब्लाबा बवस ट्रेक्सजौ लोगोसे डिजिटेल एडिशन आरो माब्लाबा 24 घन्टानि थाखाय लिमिटेड एक्सक्लुसिभ रिलिज खालामदौ। जायजौ अन्साइगिरिफोरनि गेजेराव एल्बामखौ लानानै एक्साइटमेन्टआ थाबाय थादौ आरो लान्थियै फानलानो हाबाय थादौ। एल्बामआव गासै मोन 12 मेथाइफोरदं।□

बिथांनि सोमोन्दोआ 'देभदास' सावथुनाव शाहरुख खानखौ लानायनि थाखाय गाजि जादौ। सलमानआ 'खामशी' सावथुन प्लप जानायावबो बिथांखौ मदत होदौमोन। बबेखानि इस्माइल दरबारखौ सोंथि खालामोदि, सलमान खानखौ देभदासनिफ्राय बोखारनायनि जाहोना एश्वर्या नामा? बेनि फिन्नायाव बिथाड बुडो, बिसोरनि खुद्रिलायनायनि खौरांआ मिडियाआव गोसारनानै थायोमोन। आं जोबोद गाजि मोनोमोन। बिसोरनि सोमोन्दोआ जोबोद गोथौमोन, बिसोरो खुद्रिलायनो नाडमोन, नाथाय बेफोरगासिबो सिगांनि जाना थांखांनाय बाश्चा जाबाय दा सावरायना जेबो मुलाम्फा गैला।□

अन्साइगिरिफोरा एल्बामखौ प्रि-अर्डर खालामदौ, जाय गिबि साननि फान्नायाव थाफादौ। बेनि अनगायै टेलरआ लान्थियै गोदान भेरिएन्टस फोसावदौ। माब्लाबा बवस ट्रेक्सजौ लोगोसे डिजिटेल एडिशन आरो माब्लाबा 24 घन्टानि थाखाय लिमिटेड एक्सक्लुसिभ रिलिज खालामदौ। जायजौ अन्साइगिरिफोरनि गेजेराव एल्बामखौ लानानै एक्साइटमेन्टआ थाबाय थादौ आरो लान्थियै फानलानो हाबाय थादौ। एल्बामआव गासै मोन 12 मेथाइफोरदं।□

करवा चौथनि फोर्बोनि थाखाय प्रियंका चप्राआ गावनि आखाइजौ मेहेन्दि फुन्दौ

मुलुगनां स्टार प्रियंका चप्राआ गुबुन हादतआव थाहैदौब्लाबो, नाथाय भारतीय नेम-खान्थिजौ लोब्बा थायो। दिवालीनिफ्राय लानानै हली, करवा चौथफोरखौबो बिथाड गाजा-गोमजायै फालियो। जेब्लायबोनि बायदि बे बोसोरावबो प्रियंका चप्राया गावनि फिसाइ निक जनासनि थाखाय करवा चौथनि उपुबास थागोन। देसि गार्लआ फिसाइजौ लोगोसे करवा चौथनि थियारि खालामनो जागायबाय। बिथाड समाजयारि बिजौआव बेनि नुथाइफोरखौबो दिन्थिदौ। बबेखानि प्रियंका चप्राआ करवा चौथनि सानसे सिगां गावनि फिसाइनि मुंखौ मेहेन्दिजौ गावनि आखायाव आखिदौ। फावखुंग्रिया इनस्टाग्राम स्ट'रियाव गावनि मेहेन्दि फुन्नायनि भिडिअ आरो



सावगारिखौ शेयार खालामदौ। मोनसे भिडिआयाव बिथाड गावनि फिसाइनि गुबै मुंखौ दिन्थिदौ। प्रियंका चप्राया गावनि आखायाव फिसाइनि गुबै निकलासखौ लिहोदौ। बबेखानि गुबुन मोनसे सावगारियाव बिथाड गावनि थाइनै आखायनि मेहेन्दिखौ दिन्थिदौ। बिथाडा सारसे

फिसाजोबो दं, जायनि मुड मालति मेरि चप्रा जनास। प्रियंका चप्राणि वार्कफ्रन्टनि बाश्चा सावरायोब्ला बिथाड गोबाव बोसोर उनाव भारतीय सावथुन फै फिनसिगोन। बिथाडा एसएस राजामौलिनि मस्ट एन्टिसिपेटेड सावथुनखौ खालामगासिनो दं। जायनि

मुडा एसएसएमबि 29। सावथुनाव बिथाडा महेश बाबुजौ लोगोसे स्क्रिन शेयार खालामगोन। सावथुनाव आर माधवनआबो गाहाइ फावआव थागोन। बबेखानि सावथुननि सुटिंआ सोलिगासिनो दं। आथिखालाव सावथुननि रिलिजखौ लानानै जेबो आपडेट खौरां फैथ'याखै।□

बुडो, प्रसाद भारतीआ जेब्लायबो हादतयारि आरो हारिमुयारि महत्विनि सल'फोरखौ साफ्रोमबो भारतीय न'सिम सौहैहोबोदौ। बबेखानि लकडाउननि समाव महाभारतखौबो दिन्थिफुंफिन्नाया जौखौ गोसोआव फैहोदौदि, बे सल'फोरा नख'रनि आरो जौलैफोर एवा जेनेशनफोरखौ बेसेबां गोथौथिजौ गोरोबनानै थायो। महाभारतनि बे एआइ भार्जनआ नायगिरिफोरखौ भारतनि मोनसे देरसिन सल'न्याइमाखौ मोन्दोनो खाबु होयो। बे प्रजेक्टआ 'मेक इन इन्डिया' आरो 'डिजिटेल इन्डिया'नि मोन्दांथिखौ गाहाइ महर होयो। बबेखानि कालेक्टिभ आर्टिस्टस नेटवर्कनि ग्रुप सिइअ आरो गायसनगिरि भिजय सुब्रमण्यमआ बेनि फारसे सावरायनानै बुडोदि, लाख लाख भारतीयफोर बायदिनो आंबो रबिबार खनफ्रेमबो टेलिभिजनआव क्लासिक महाभारतखौ नायनानै देखोनाय। बेयो मोनसे औरैबायदि मोन्दांथिमोन, जाय आंनि सान्नाय आरो जौनि हारिमुजौ आंनि मोन्दांथिनायखौ मोनसे महर होदौ।□

